

**Perdana Menteri Tiba Di Kuching Untuk Sambutan Sarawak Merdeka  
Bernama  
15 Sept, 2013**

KUCHING, 15 Sept (Bernama) -- Perdana Menteri Datuk Seri Najib Tun Razak tiba di sini Ahad untuk menghadiri Sambutan 50 Tahun Sarawak Merdeka Dalam Malaysia.

Sejurus tiba di Lapangan Terbang Antarabangsa Kuching, Najib dan isteri Datin Seri Rosmah Mansor disambut Timbalan Ketua Menteri Sarawak Tan Sri Alfred Jabu Numpang dan isteri Puan Sri Empiang Jabu.

Ahad malam perdana menteri dan isteri akan menghadiri perarakan kapal berhias sempena Malam Gemilang 50 Tahun Sarawak Merdeka di Tebingan Sungai Kuching.

Yang di-Pertuan Agong Tuanku Abdul Halim Mu'adzam Shah dan Raja Permaisuri Agong Tuanku Hajah Haminah Hamidun menjadi tetamu diraja dalam majlis itu.

Najib dan Rosmah akan menghadiri Istiadat Perbarisan dan Rapat Raksasa Sambutan Hari Malaysia di Padang Merdeka di Kuching, Isnin sebelum berlepas ke Kota Kinabalu, Sabah untuk menghadiri Perayaan Hari Malaysia Ke-50 pada sebelah malam.

--BERNAMA

Copyright © 2013 BERNAMA

Source: <http://www.bernama.com/bernama/v7/bm/newsindex.php?id=977923>